


安徽「六」黨潮之真相



上海图书馆藏书



A541 212 0014 1712B



安徽「六一」黨潮之真相

簡言

安徽爲腐化惡化勢力鬥爭之場，亦爲腐化惡化勢力聯姻之所，一事之起，一潮之生，如遇利害相同，則兩種勢力，交相握手，如遇利害相背，則交相衝突，惡化勢力，其本身固屬惡性，然有時爲聯絡腐化計，其手段亦流於腐化，腐化勢力，其本身固屬腐性，然有時爲依附惡化計，其手段反流於惡化，腐化惡化兩種勢力，交相雄長，交相結納，此安徽之黨潮所以糾紛百結，而莫能治理也，究竟安徽黨人，誰爲腐化，誰爲惡化，凡留心觀察安徽事實與內容者，明眼人自能知之，此冊不忍重蹈時下惡習，如李蔚唐劉真如金維繫之



滕呈中央，意圖誣陷，故意爲攻擊與虛僞之宣傳，以遂其傾軋排斥之私，皖省黨務現狀，雖屬混亂，然尙有中央之紀律，以爲裁制之後盾，如我等有罪，雖十萬小冊，亦不能掩護，如我等無罪，雖十萬李蔚唐等，亦無所用其陰謀，善惡憑諸良心，毀譽聽之公論，不過安徽六一事變發生以後，愛李蔚唐劉真如者，則拚命故爲過分之揄揚，惡李蔚唐劉真如者則拚命仍爲過分之推測，以致是非無憑，眞象淆亂，皆非至中大公之道，本黨忠實同志，與夫關情桑梓之同鄉，多以眞象爲詢，如欲一一答復，事實容有未逮，用特刊此小冊，以明事變經過，萬祈閱者詳察本冊內容，卽知我等完全辯正事實，毫無攻擊惡意，按之六一事變經過，李劉兩人實難免傾共嫌疑，雖有百喙亦不能置辯，金則世故太深，個人觀念太重，祇知應付環

境，毫無誠意對黨，民衆直接行動，爲共逆開此惡例，安徽民衆，一再毆辱中央任命委員，如不嚴辦，將何以警效尤，省政府對於本案，應否加以責任，中央自有權衡，治與訪先苦心孤詣誓秉至誠，欲以微弱之軀，力挽狂瀾之劫，卒之犧牲無補，身蒙誣陷，言念及此，良用痛心，既不能潔身引退於先，復不能鎮壓禍潮於事發之際，今則深負中央付託之重，與夫全皖同志責望之殷，忽然遠去，迹近硜硜，撫躬自問，情非得已，鄉關悵望，不禁依遲，知我責我，不暇爲辯，水落石出，未必無期，所望深明黨義肯負責任之同鄉同志，一念皖民痛苦，設法爲之解除，化除意見之編，一致團結救黨，是則區區所切禱者也。

方治
陳訪先謹識
十七年六月二
十日刊于滬濱

方治
陳訪先
呈中央黨部報告六一事變真相文

呈爲呈報李蔚唐劉真如兩指導委員被毆辱經過情形仰祈鑒核事竊於五月廿八日指委會舉行第十次常會韓安同志主席所報告之議案中有由日本仙台學生會爲反對日本出兵山東告海內外同胞書一件主席讀摘由後即付討論當時金維繫同志主張存案李蔚唐同志主張送報登載全場皆無異議通過詎該件所載全係反動文字并有污蔑我

中央及蔣馮兩總司令之謬語幸報館未代披露而外間已煩言嘖嘖指責職會矣五月卅一日又有南京軍事委員會派人來皖指稱民衆訓練委員會助理幹事孫道山有共產嫌疑在旅館將其捕獲解寧因此外界對於黨部謠言更多當日下午忽來羣衆數十人羣集黨部會議廳並舉出代表朱規清等質問對於該項宣言如何處理比經

治訪先

及劉真如同志先後答覆略謂改日即有

具體辦法宣佈羣衆等遂相率而去次日(六月一日)午前九時指委會即開臨時會議議決對於誤發日本仙台寄來反動宣言事除電請

中央嚴厲處分指委同人疏忽之過失外並暫停秘書處秘書之職且將摘由幹事記大過一次追會議將散未散時所謂羣衆忽集合二百餘人擁至黨部會議廳續來質問關於誤登反動文字事

如何解決當由指委會推定三常務委員下樓接見詎該羣衆等譁然謂非全體委員出席不可於是除金維繫同志因事未出席其餘委員六人均至會議廳即由韓安同志以本日決議案逐條報告羣衆方面堅詢何人主張將該項反動宣言登報韓同志即將當日金維繫同志主存暨李蔚唐同志主登報等情形據實報告並解釋疏忽之過失應由指委同人共同負責該代表等又向治反覆質問民衆訓練委員會何以錄用共產黨孫道山并嚴厲追問究係何人介紹幾欲動武治不得已只好以劉真如同志介紹該孫道山時之言答稱孫道山原爲黃埔學校學生曾隨劉真如同志做過政治工作此次來皖請劉同志代覓工作因以介紹至民衆訓練委員會民衆訓練委員會全體委員五人事先未能覺察實同負疏忽之過失而治身爲該會主席尤爲內疚現已電請中央自請處分此時劉同志即起立登台正欲有所陳述而台下羣衆已紛然躍起將劉李兩同志橫加毆辱且挾之去治爲營救亦身受拳擊比由韓安王星拱及治訪光等四人馳至省政府請孫代主席設法營救(金維繫同志後到)及至政府劉李兩同志已被該羣衆擁至省政府門前嗣由金維繫同志及治等向孫代主席面述一切並將劉李兩同志延入政府該羣衆遂由省府遣散此當日經過之大略情形也

職會

受命以來兢兢匪懈正冀循序漸進力圖黨務發展以完成

總理之遺志而副

中央付託之使命何期事出非常變生意外除靜受

中央處分命令外理合將事變經過實在情形具文呈報仰祈鑒核俯賜備案以明真象而正是非

謹呈

中央執行委員會

中國國民黨安徽省黨務指導委員
方治
陳訪先

六



方治
陳訪先 呈中央黨部辯正李劉捏呈誣陷文

呈爲呈訴李蔚堂劉真如等呈文有意誣陷特加辯正仰祈鑒核實究虛坐以明黨紀而正是非事竊 職治訪先 此次奉中央委任爲安徽省黨務指導委員秉命之初原冀以赤忱正誼與大公無私

之精神滌舊布新樹立黨基提高黨權以建設新安徽爲職志乃誠信未孚動輒遭人疑忌外界之惡勢力既深內部之相煎尤急長此以往徒累個人無補黨國加以六一毀黨事變發生彌覺痛心無已用是再三電請

鈞會准予辭職俾可脫離漩渦還我清白惟最足感傷而有不得已於言者則 職等 處處以整個的

黨爲前提維護全局忠厚待人乃陷阱備設調言橫加安慶方面有人計劃再毀黨部加害 職等 以

冀釀成慘案羅織 職等 莫須有之罪 職治 既於辭職呈中言之日前李蔚堂劉真如兩同志所上中

央呈文對於 職等 肆意誣讒顛倒是非捏造黑白以

中央之公斷明判自不難水落石出本無庸喋喋爲辯惟曾參殺人惑及慈母一犬吠影百犬吠聲謹當辯正事實以備

中央最後公判(一)李劉呈文謂彼等被拖至省政府時「經王星拱金維繫兩同志之竭力抗爭」

時韓安方治陳訪先皆早已來省政府始由省代主席孫榮下令釋縛云云又在京中某報虛爲

宣傳云職等與韓安同志先至省政府與政府委員密謀云云按當日李劉兩同志突受侮辱捆縛

以待職等憤慨萬狀卽僱王韓兩同志陣往省府質問援救同行同處同入省府大門同向省府抗

爭有王星拱同志爲證金維繫同志後到事實昭然不可抹煞李劉兩同志顛倒是非顯有他意以

爲虛僞宣傳之張本此須辯正者一也(二)李劉呈文謂「又據有人證明六月一日安徽民國日

報之新聞由陳訪先負責請該報登載」云云所謂有人證明云云何妨指出其人職訪先極願與

之對質以求實究虛坐李劉兩同志捏造其詞顯以此次事變對於訪先無可攻擊思以此莫須有

之事羅織訪先罪案以期淆惑視聽此須辯正者二也(三)李劉呈文謂「暴徒復進請方治答覆

關於民訓會助理幹事孫曉山被補事並訊係何人介紹方亦故愼其詞惺惺作態致使全場空氣

若類文明劇場不特叫笑跳罵暴徒對方且作種種互相滑稽之玩笑最後方曰是劉同志說孫曉

山過去很努力」云云按職治當日答覆態度極爲嚴重措詞始終以整個的黨爲對外立足點並

謂職治身爲民訓會主席於共同負責之外尤負特殊失察之咎至該孫曉山雖由劉委員介紹知

人知而不知心共產黨三個字沒有刻在臉上實難預知云云當場備受凌辱自問對於整個黨的

威信與友誼維護周至煞費苦心李劉兩同志乃以「文明劇場」「叫笑跳罵」「滑稽玩笑」等名詞來深文周納實令人有是非不明人心險詐之感此須辯正者三也（四）李劉呈文謂「又據京報及民生報稱李劉二人因共產嫌疑被民衆送入安徽特種刑事法庭由方治來京呈控一切」云云按 職治 上次偕金維繫同志伴同李劉兩同志來京全爲整個的黨受辱與維護友誼起見來京呈控安慶六一毀黨暴行亟求法辦並又請示以後辦法以便有所遵守乃李劉兩同志反解其詞故事周納以入 職治 之罪誠不料其以怨報直如此此須辯正者四也（五）李劉呈文謂「又據金維繫同志說（葛路湯韓方陳朱規清等廿九日晚間請吃飯時即計劃到民衆來對付劉李二人之事）」云云。 職等 撫躬自問始終以整個的黨爲前提曾未與任何方面勾結對付任何同志上語果係金同志所說如金同志未參與吃飯則何所據而云然如金同志參與吃飯得知個中計劃何以當場不加反對隱忍以賣李劉知契之友即退一步言之事前不能反對事後亦可密告李劉兩人預爲防範又何以隱瞞以欺劉李兩人金同志平時自承忠實對友不欺何以身爲指導委員忍令同人橫受毆辱如不知情尙可原諒如係知情匪獨無以對劉李且無以對 中央對本黨也事出無根語涉虛構不辯自明此須辯正者五也總之李劉呈文處處牽涉治與訪先誣爲主使不

知其有何用意務懇 中央嚴切查明如係事實 職等 願受嚴重處分倘係虛構爲本黨紀律計爲
社會是非計 中央亦應嚴辦誣告以申公道理合具呈仰祈鑒核嚴切查明實究虛坐以明黨紀
而維國法謹呈

中央執行委員會

安徽省黨務指導委員 方治
陳訪先

方治呈中央執委會辭職文

呈爲呈請准予辭職以利黨務事竊職前奉中央委任赴皖指導黨務猥以菲才竟荷重寄受命以來時虞隕越良以安徽黨務素乏基礎投機份子既待剷除忠實同志尤當甄拔凡百設施俱須規劃尤賴內部同人一德一心戮力共謀方能有濟何期任職甫及一月誠信未孚橫逆交來內外交攻環境惡劣六一毀黨之變職既未能協同職會同人防範於事先又不見諒於一部份同人于事後最近李蔚唐劉真如兩同志上中央呈文且對職故肆誣譏嚴加攻擊顛倒是非廣爲宣傳安慶方面更謠言四起一夕數驚謂將有人利用一部份學生暨工人襲擊職與陳訪先同志並向職會滋鬧冀或引起軍警方面之干涉釀成慘案羅織職等之罪過其用心之險布置之周不至斷絕職在黨的生命不止夫職奉行三民主義以求革命而救中國何必爲省黨務指導委員而後始償素志致遭妒忌中傷此後能以黨員資格効忠黨國固所願也當六一變後職卽偕金維繫同志伴同李劉二同志來京報告真象自請處分並請懲凶以重黨權而維國法回舟協議衆意僉同職固始終站在整個黨的立場上撫衷自問於對正義友誼並覺無愧詎抵京以後野心家加以離間挑撥李劉諸同志往日成見未除在京行動概不令職聞知且避不晤面誠不知其居心何在但職迫

於義憤爲維護整個黨的威信起見仍即分向 中央各委員陳述真象自請處分并請求懲囚及

請示以後辦法外並上 鈞會一呈當由 中央組織部余祕書井塘轉囑職速返皖維持黨務誠

明皖省黨務委員留在京者過多內部工作不免停頓也職聞命即日就道至皖雖會同陳訪先同

志督促各部處會工作同志繼續努力加緊從公並咨商安徽省政府撥款維持內部同志生活費

派兵保障內部同志之安全苦心布置以待李劉土金諸同志歸粵共策進行何期京中消息傳來

李劉二同志之調言誹語既如此安慶謠言四起環境之惡劣又如彼職爲革命不惜犧牲奈何曠

牲於本黨同志之陰謀手段也是以再四思維惟有懇請 鈞會准職辭職俾卸仔肩而息流言其

李劉兩同志呈文中對於職個人誣讟之調言當另呈辯正以求

明判至若職會內各部處會內部工作職離皖時已囑由各該部處會祕書負責維持仰祈中央早

日另委賢能接充職職並對於安徽黨務加以整飭消滅個人主義排除派別思想則前途庶幾有

革新之望職患難餘生得以黨員資格從事革命工作協助安徽黨務底於穩定之基礎不至爲少

數私人所搗亂把持於願已足爲此瀝陳困難仰祈

鑒核俯准辭職實爲黨使謹呈 中央執行委員會

陳訪先呈中央辭職文

呈爲呈請辭職仰祈 鑒賜核准事竊 訪先 此次奉

中央委任爲安徽省黨務指導委員秉命之初原冀本其赤忱與正誼竭盡綿力追隨諸同志之後
爲安徽過去黨務剔除積垢並爲未來黨務樹立新基庶毋負

中央付託之重及全省同志責望之殷詎料任事以還環境惡劣黨內黨外罔顧公忠 訪先 救黨有

心回天乏術與其坐處困境無補時艱曷若退避潛修圖報來日所幸爲黨努力隨處隨地皆可爲
之固無關乎有無職責也除另電籲懇外理合瀝陳苦衷仰祈


鑒核俯賜照准實爲公便謹呈

中央執行委員會

中央組織部

中央訓練部

安徽省黨務指導委員陳訪先（六月九日）



陳訪先緊要啓事二

敬啓者六月五日南京京報載李蔚唐劉真如兩委員在京招待新聞記者談話李委員報告六月一日事變經過內有一節大意謂中華留日仙台學生聯合會告國內外同胞宣言書一紙當日開會時係由陳訪先提議發表云云查該項反動宣言疏忽通過發表當日開會六人均應負咎惟是提議發表者係爲李蔚唐本人自有事實證明其無心提議之過失本有可原之餘地若以此事之禍因企圖轉嫁禍於人似于人格良心不無虧損用特登報聲明以免淆惑真象又見京中各報揭載李劉兩同志上呈中央對於訪先橫加誣陷應俟黨紀與法律判明是非無庸喋喋爲辯抑有陳者皖事糾紛內容複雜黨務新基無由樹立益以六一事變發生彌覺痛心無已業經三電中央籲懇辭職嗣後關於安徽黨務尙祈深明黨義肯負責任之同鄉同志各本天力良維正誼化除成見團結救黨是所切禱（六月十日）

方治緊要啓事

逕啓者安徽黨務不幸而有六一之變事後治卽借金維繫同志伴同劉真如李蔚唐二同志來京同向中央報告真相並請懲兇以重黨權而維國法曾分謁中央各委員陳述與中央組織部余麟

書井塘述之尤詳事實具在可見治固始終站在黨的整個立場上對於正議友誼並覺無愧不圖劉李兩同志別有用心妄加詆陷竟誣治爲主使之一顛倒是非淆亂黑白含沙射影慘毒無倫金維繫同志甘爲傀儡受人利用復肆口相譏全違真相同舟敵國良用慨然按劉李二同志初則竭力攻擊韓安同志韓同志去職以後乃變更策略集矢於治及陳訪先同志譁張爲幻恣爲簧鼓以遂其整個排除異己之陰謀治舍身黨國罔恤其他惟既見嫉於人重遭侮謾雅不願以察察之身長蒙塵垢現已瀝誠向中央呈請辭職俾息我者得遂其私至劉李金三同志公然誣蔑之詞呈之中央載之報紙治已另呈中央加以辯正請予公斷黨紀國法當有制裁茲不必再喋喋與辯也此後皖中黨務惟望各忠實同志化除私見力挽狂瀾救皖救黨是所切禱

上海图书馆藏书



A541 212 0014 1712B

